

第五六五册

理學彙編

經籍典

易經部

（卷）
五十一〇三

古今圖書集成

中華書局影印

新
編
四
庫
全
書
目
錄

卷
一

古今圖書集成

卷一百一十五

欽定古今圖書集成理學彙編經籍典

第九十三卷目錄

易經部紀事三

經籍典第九十三卷

易經部紀事三

宋史宗室善譽傳善譽字俊之太宗之後也幼敏慧力學多所著述郭雍朱熹嘗取其易說云

張昭傳昭父直以周易教授學者自遠而至時號逍遙先生

遙先生

李穆傳穆幼能屬文從酸棗王昭素受易盡究其義昭素謂曰子能得精理往往出吾意表以所著易論三十三篇授之

張洎傳錢俶定諡忠懿洎時判考功爲覆狀張俶奏駁曰錢俶藩臣名不可稱龍位不可爲亢其亢龍无悔四字請改正事下中書以詰洎對狀曰竊以故國秦王明德茂勳格於天壤處崇高之富貴絕纖介之機嫌太常禮院稽其功勳定茲嘉諡考功詳覆之際率遵至公故其議狀云茲所謂受寵若驚居亢无悔者也謹按易乾之九三云君子乾乾夕惕若厲无咎王弼注云處下體之極居上體之下履重剛之險因時而惕不失其機可以无咎處下卦之極愈於上九

之亢易例云初九爲元士九二爲大夫九三爲諸侯正義云易之本理以體爲君臣九三居下體之極是人臣之體也其免亢龍之咎者是入臣之極可以慎守免禍故云免亢極之禍也漢書梁商傳贊云地居亢滿而能以謹厚自終楊植許由碑云錙銖九有亢極一夫杜鴻漸讓元帥表云祿位亢極過踰涯量盧杞郭子儀碑云居亢無悔其心益降李翰書霍光傳云有伊周負荷之明無九三亢極之悔張說祁國公碑云一無目牛之全一無亢龍之悔也況考功狀內止稱云受寵若驚居亢無悔即本無亢龍無悔之語斯蓋張俶擅改公奏罔冒天聰請以元狀看詳反坐其人以懲姦妄詔曰張洎援引故實皆有依據張俶學識甚淺數陳失實尚示矜容免其黜降可罰一月俸

楊守一傳守一字象先河南洛陽人稍通周易歷署樞密院事

郭延澤傳延澤字德潤好學博通典籍歷國子周易博士

賈昌朝傳慶曆三年召對通英閣帝問乾卦卦昌朝上奏曰乾之上九稱亢龍有悔悔者凶災之萌爻在亢極必有凶災不言凶而言悔者以悔有可凶可吉之義修德則免悔而獲吉矣用九見羣龍无首吉聖人用剛德之健乃可決萬機天下久盛柔不可以濟然亢而過剛又不能久獨聖人外以剛健決事內以謙恭應物不敢自矜爲天下首乃吉也手詔優答

掌禹錫傳禹錫字唐卿許州鄆城人第進士以工部尙書郎致仕著周易集解十卷

王洙傳洙字原叔宋城人舉進士歷翰林學士著易傳十卷

馮元傳真宗試進士殿中召元講易元進說曰地天爲泰者以天地之氣交也君道至尊臣道至卑唯上下相與則可以輔相天地財成萬化帝悅天禧初數與查道李虛己李行簡入講易於宣和北閣元多識古今臺閣品式之事尤精易七歲方讀易母夢異人以紺蓮華與元吞之且曰善讀此後必貴顯元且老率三日一誦易

張揆傳揆擢進士第歷大理寺丞以疾解官十一年不出戶讀易詔對通英閣令揆著得斷首且言斷首得易之夫蓋以陽剛決陰柔君子進小人退之象仁宗說擢天章閣待制

韓丕傳丕讀書驪山嵩陽通周易爲人講說

查道傳真宗退朝之暇召馮元講易便坐惟道與李虛己李行簡預焉

胡則傳則字子正乾寧初則知福州前守陳絳嘗延蜀人龍昌期爲衆人講易得錢十萬自成都械昌期至則出俸錢爲償之昌期嘗著易其說詭誕穿鑿嘉祐中詔取其書歐陽修言其異端害道不當推獎

李行簡傳帝數幸龍圖閣命講周易訪大臣能否行簡所對無怨呢各道其所長人以爲長者

范仲淹傳仲淹汎涉六經長於易學者多從質問爲執經講解亡所倦

孫思恭傳思恭字彥先登州人擢第歷南京御史臺精關氏易九妙於大衍

盧士宗傳士宗舉五經侍講楊安國以經術薦之仁

宗御延和殿詔講官悉升殿聽其講易明日復講泰卦又詔經筵官及僕射賈昌朝聽之授天章閣侍講賜三品服

蘇軾傳洵晚讀易作易傳未究命軾述其志軾成易傳

王巖叟傳巖叟字彥霖大名清平人鄉與省試廷對皆第一歷端明殿學士有易傳行於世

鮮于侁傳侁刻意經術著易斷為范鉉孫甫推許陳瓘傳高宗謂輔臣曰陳瓘昔為諫官甚有識議近覽所著尊堯集明君臣之大分合於易天尊地卑及春秋尊王之法王安石號通經術而其言乃謂道隆德駿者天子當北面而問焉其背經悖理甚矣瓘宜特賜諡以表之諡曰忠肅

彭汝礪傳汝礪字器資鄱陽人進士第一歷寶文閣直學士所著易義詩義文凡五十卷

張汝明傳汝明學精微研象數貫穿經史百家所著書不蹈襲前人有易索傳於世

汪澥傳澥字仲容旌德人少從胡瑗學易又學於王安石自布衣歷祭酒官以儒名者三十年

李綱傳綱字伯紀邵武人政和進士紹興二年除觀文殿大學士歷贈少師著易傳內篇十卷

張浚傳浚字德遠漢州綿竹人舉進士歷贈太師浚學邃於易有易解及雜說十卷

陳禾傳禾字秀實鄞縣人元符進士崇尚義理黜抑浮華入對契旨擢監察御史所著有易傳九卷

胡詮傳詮以敷文閣直學士與外祠詮歸上所著易解詒藏祕書省

胡舜陟傳欽宗即位舜陟為侍御史奏治陵譴定受易於郭雍究極象數逆知人事宜厚禮招之

胡松年傳松年字茂老海州懷仁人讀書過目不忘尤邃於易歷權叅知政事

施師點傳師點字聖與上饒人十歲通六經歷知樞密院事有易說四卷

金安節傳安節字彥亨休寧人博洽經史尤精於易宣和進士歷贈少保有周易解

王剛中傳剛中字時亨饒州樂平人紹興進士歷贈資政殿大學士博覽強記公退惟讀書有易說

李燾傳燾字仁甫眉州丹陵人紹興進士歷敷文閣學士有易學五卷

袁樞傳樞字機仲試禮部詞賦第一歷右文殿修撰作易傳解義辨異童子問等書藏於家

李椿傳椿字壽翁洛州未平人歷敷文閣直學士年十五歲避地南來貧無以為養不得專力於學年三十始學易其言於朝廷指諸行事皆易之用尤惡佛老邪說朱熹嘗銘其墓謂其逆知得失不假著龜不阿佛老不詭時譽云

胡晉臣傳晉臣累遷侍御史朱熹除兵部郎中以病足未供職侍郎林栗與熹論易不合因奏熹不即受印為慢言臣上疏留熹而排栗物論歸重

彭龜年傳龜年性穎異讀書能解大義及長得程氏易讀之至忘寢食

詹體仁傳光宗即位除太常少卿陞對首陳父子主恩之說謂易於家人之後次以睽睽之上九曰見豕負塗載鬼一車先張之弧後說之弧匪寇婚媾往遇

雨則吉夫疑極而惑凡所見者皆以為寇而不知實其親也孔子釋之曰遇雨則吉群疑亡也蓋人倫天理有間隔而無斷絕方其未通也漣鬱煩憤若不可以終日及其醒然而悟泮然而釋如遇雨焉何其說和而條暢也伏惟陛下神心昭融聖度恢豁凡厥疑情一朝渙然若揭日月而開雲霧不叙彝倫以承兩宮之歡以塞兆民之望時上以積疑成疾久不過重華宮故體仁引易睽孤之義以開廣聖意

趙雄傳淳熙二年簽書樞密院事一日奏事上曰今夏蠶麥甚熟絲米價平可喜雄奏孟子論王道始於不飢不寒上曰近世士大夫好高論恥言農事微有西晉風豈知周禮與周易言理財用周公孔子曷嘗不以理財為務

項安世傳安世字平父淳熙進士遷校書郎寧宗時朱熹召至闕未幾予祠安世率館職上留之言臣願陛下謹守紀綱毋忽公議復留朱熹使輔學則人主無失公議尚存不報所著易玩辭他書多行於世宋德之傳德之字正中召除國子正遷武學博士與諸生論八陣之象本乎八卦皆動物也奇正之變往來相生而不窮知此然後可以致遠

柴中行傳中行字與之餘千人紹興元年進士歷右文殿修撰所著有易繫集傳

李舜臣傳舜臣四歲知讀書少長通古今九達於易嘗曰易起於畫理事象數皆因畫以見今畫而論非易也畫從中起乾坤中畫為誠敬坎離中畫為誠明著本傳三十三篇朱熹晚歲每為學者稱之

楊簡傳簡字敬仲慈溪人乾道進士歷寶文閣學士

所著有己易啓蔽

簡門人錢時幼奇偉不羣讀書不爲世儒之習丞相喬行簡知其賢特薦之朝詔守臣以所著書來上其書有周易釋傳

牟子才傳于才字存容井研人以資政殿學士致仕有四尚易編

歐陽守道傳守道字公權一字迂父吉州人淳祐進士歷著作所著有易故

孟珙傳珙字璞王隨州襄陽人忠君愛國之念可貴金石其學邃於易六十四卦各繫四句名警心易贊

亦通佛學自號無庵居士

趙汝談傳汝談字履常淳熙進士歷修撰以所注易進講其論易以爲占者作所著有易注

趙善湘傳善湘字清臣慶元二年進士歷觀文殿學士所著有周易約說八卷周易或問四卷周易續問

八卷周易指要四卷學易述過六卷

趙與權傳與權字悅道懿王八世孫開府儀同三司乞致仕不允賜泰卦詩忠邪辯

吳淵傳淵字道父嘉定七年進士歷觀文殿大學士著有易解

陸持之傳持之字伯徵九淵之子也歷通直郎所著有易提綱

趙景緯傳景緯字德甫登淳祐元年進士作讀易庵懸甯山進崇政殿說書侍緝熙殿以易進講論聖人體元之妙在惟幾人君得此則天下有治而無亂人事有吉而無凶聖人先處於憂故能無憂先處於危故能無危若乃先處於安樂則憂危乘之矣

馮去非傳去非南康都昌人父椅字儀之家居授徒註易太極圖等書

危昭德傳昭德昭武人寶祐元年進士昭德在經筵以易進講反覆規正者甚多

道學傳周敦頤字茂叔博學力行著太極圖明天理之根源究萬物之終始又著通書四十篇發明太極之蘊序者謂其言約而道大文質而義精得孔孟之本源大有功於學者也

程頤字正叔張載稱其兄弟從十四五時便脫然欲學聖人故卒得孔孟不傳之學著易傳以傳於世

張載字子厚嘗坐虎皮講易京師聽從者甚衆一夕二程至與論易次日語人曰比見二程深明易道吾所弗及汝輩可師之撤坐輟講神宗召見以爲崇文

院校書移疾屏居南山下終日危坐一室左右簡編俯而讀仰而思以易爲宗

邵雍字堯夫於書無所不讀北海李之才攝其城令聞雍好學嘗造其廬謂日子亦知物理性命之學乎雍對曰幸受教乃事之才受河圖洛書必義八卦六十四卦圖像之才之傳遠有端緒而雍探賈索隱妙

悟神契遂演必義先天之旨著書十餘萬言行於世尹焯字彥明世爲洛人劉豫命僞帥趙斌以禮聘焯不從則以兵恐之焯奔蜀至閬得程頤易傳十卦於

其門人呂稽中又得全本於其壻邢純拜而受之紹興四年止於涪涪頤讀易地也關二長齊以居

羅從彥字仲素開同鄉楊時得河南程氏學慨然慕之及時爲蕭山令遂徒步往學焉嘗與時講易至乾九四爻云伊川說甚善從彥即奮田走洛見頤問之

頤反覆以告從彥謝曰聞之龜山具是矣乃歸卒業學者稱之曰豫章先生

朱熹字元晦一字仲晦幼嘗從羣兒戲沙上獨端坐以畫沙視之八卦也所著有易本義啓蒙著卦考誤太極圖解

黃幹字魯直入廬山訪其友李燾陳宓相與盤旋玉淵三峽間俯仰其師舊跡講乾坤二卦於白鹿書院山南北之士皆來集

儒林傳王昭素博通九經尤精詩易以爲王韓注易及孔馬疏義或未盡是乃著易論二十三篇

孔維字維則乾德四年九經及第太平興國中就拜國子周易博士

李之才字挺之師河南穆修受易時蘇舜欽輩亦從學易其專授受者惟之才爾修之易受之神放放受之陳搏源流最遠其圖書象數變通之妙秦漢以來

鮮有知者之才權其城令時邵雍布裘蔬食躬爨以養父之才叩門來謁勞苦之日好學篤志物理之學學矣不有性命之學乎雍再拜願受業於是先示之以陸淳春秋意欲以春秋表儀五經既可語五經大

旨則授易而終焉其後雍以易名世

洪興祖字慶善自少至老未嘗一日去書著周易通義繫辭要旨行於世

高閌鄞縣人紹興元年進士第歷國子司業新學成閌奏補試者六千人且乞臨雍繼率諸生上表以請於是帝幸太學秦燾執經閌講易泰卦賜三品服

程大昌字泰之篤學於古今事靡不考究有易原易老通言行於世

理學彙編經籍典第九十三卷易經部

第五六五冊 之〇二葉

楊萬里字廷秀名讀書之堂曰誠齋嘗著易傳行於世

劉子翬字彥冲初朱熹父松且死以熹託于翬及熹請益子翬告以易之不遠復三言俾佩之終身熹後卒為儒宗子翬少喜佛氏說歸而讀易即渙然有得其說以為學易常先復故以是告熹焉

呂祖謙字伯恭考定古周易行於世

蔡元定字季通朱熹為易詩傳皆與元定往復參訂于淵沈淵有周易訓解

胡安國歷天章閣侍講進翰林侍講嘗講易至鼎卦帝問九四象如何安國對九四上承至尊下應初爻任重非據故折足覆餗亦猶任得其人則雖重可勝非其人必有顛覆之患帝稱善

程迥字可久家於沙隨所著有古易考古易章句古易占法易傳外編朱熹以書告迥子絢曰著書滿家足以傳世是亦足以不朽

劉清之志於義理之學高安李好古以族人以財為訟見清之豫章清之為說訟家人二卦好古惕然

遂舍所訟市程氏易以歸卒為善士

魏了翁字華父日誦千餘言過目不再覽所著有周易集義易舉隅

何基字子恭淳固篤實絕類漢儒雖一本於熹然就其言發明則精義新意愈出不窮所著易啓蒙發揮

王柏字會之婺州金華人柏之言曰伏羲則河圖以畫八卦文王推八卦以合河圖者先天後天之宗祖也河圖是逐位奇偶之交後天是統體奇偶之交惟

四生數不動以四成數而上下之上偶下奇莫匪自

然所著有讀易記涵古易說大象衍義太極衍義李心傳字微之開戶著書敦道至闕下所著有學易篇五卷

文苑傳盧稹幼穎悟及長曉五經大義酷嗜周易孟子

子崔遵度喜讀易嘗曰意有疑則彈琴以辨其數筮易以觀其象無不究也

王逢喜著書有易傳十卷乾道指說一卷復書七卷唐庚兄弟五人長兄瞻字望之後名伯虎字長儒治易有家法

隱逸傳陳搏字圖南讀經史百家之言一見成誦詔賜號希夷先生搏好讀易手不釋卷

徐復字復之初遊京師舉進士不中退而學易通流衍卦氣法慶曆初與布衣郭京俱召見帝問天時人事復對曰以京房易卦推之今年所配年月日時當小過也剛失位而不中其在強君德乎帝又問明年主何卦復曰乾卦用事說至九五盡而止

孔昺字寧極喜讀書晚年惟玩周易他書亦不復讀為太元圖張壁上下外列方州部家而規其中心空之無所書曰易所謂寂然不動者與此無異也

王樵博通羣書不治章句尤善易與賈同李冠齊名學者多從之

章磐字隱之博通經學尤長易太元著發隱三篇明用著索道之法知以數寓道之用三纂九據始終之變

譙定字天授少喜學佛析其理歸於儒後學易於郭

義氏自見乃謂之象一語以入郭義氏者世家南平

始祖在漢為嚴君平之師世傳易學蓋象數之學也定一日至汴聞伊川程頤講學於洛潔衣往見棄其學而學焉遂得聞精義其後頤貶涪實定之鄉也北山有巖師友游泳其中涪人名之曰讀易洞定易學得之程頤授之胡憲劉勉之而馮時行張行成則得定之餘意者也

初程頤之父珦嘗守廣漢頤與兄穎皆隨侍時游成都見治篋簞桶者挾冊就視之則易也欲擬議致詰而篋者先曰若嘗學此乎因指未濟男之窮以發問二程遜而問之則曰三陽皆失位兄弟渙然有所省翌日再過之則去矣其後袁滋入洛問易於頤頤曰易學在蜀耳盡往求之滋入蜀訪問久無所遇已而見賈翬薛翁於眉叩問與語大有所得不知所得何語也

劉勉之字致中自幼強學日誦數千言踰冠以鄉舉詣太學時蔡京用事禁止毋得挾元祐書自是伊洛之學不行勉之求得其書每深夜同舍生皆寐乃潛抄而默誦之譙定至京師勉之聞其從程頤游遂易學遂師事之已而厭科舉業揖諸生歸見劉安世楊時皆請業焉及至家即邑近郊結草為堂讀書其中其友朱松卒屬以後事且戒其子熹受學勉之經理其家而誨熹如子姪熹之得道自勉之始

胡憲字原仲紹興中以鄉貢入太學會伊洛學有禁憲獨陰與劉勉之誦習其說既而學易於譙定久未有得定曰心為物漬故不能有見惟學乃可明耳憲喟然嘆曰所謂學者非克己工夫耶自是一意下學不求人知一旦揖諸生歸故山力田賣藥以奉其親

郭雍字子和我忠孝官至大中大夫師事程頤著易說號兼山先生雍傳其父學淳熙初學者莫集程頤程頤張載游許楊時及忠孝雍凡七家爲大易粹言行於世

揮塵前錄明清五世祖拾遺開寶八年以近臣薦自布衣召對講易於崇政殿然後命官崇政殿說書之名肇於此行事具載三朝國史

東軒筆錄仁宗聖性好學博通古今自即位常開邇英講筵使侍講侍讀日進經史孜孜聽覽中昃忘倦有林瑀者自言於周易得聖人祕義每人君即位之始則以日辰支干配成一卦以其象繇爲人君所行之事其說支離詭譎不近人情及爲侍讀遂奏仁宗曰陛下卽位於卦得需象曰雲上於天是陛下體天而變化也其下曰君子以飲食宴樂故臣願陛下頻宴遊務娛樂窮水陸之奉極玩好之美則合卦體當天心而天下治矣仁宗駭其言朔日問賈魏公昌朝魏公對曰此乃誣經籍以文姦言眞小人也仁宗大以爲然於是逐瑀終身不齒矣

國朝類要太祖卽位初年十一月甲子召陳搏問享國長短曰今年是庚申麼睡而不答太祖又問搏答曰睡到五更醒方問此事回首舉杖畫地作又木字訛投杖而睡太祖命筮之得離之明夷搏變色曰陛下得國中原而得南方火盛之卦非吉兆也太祖曰卿可言之搏用杖畫灰作兩卦象太祖曰朕壽幾何寶儀在側太祖命儀爲搏執搏取帽蓋巾頂拜曰萬歲但是子年子月子日陛下終於火日之下離爲火日陛下之子孫盡矣太祖愕然曰孰敢爲之搏指

離九三及明夷之九三曰此人爲之太祖曰其人安出搏曰必在西北陛下之親也太祖又曰復若何搏曰後一百九歲南方有妖氣入中國中國用之天下自此多事矣太祖曰宋之子孫若何曰甲午之歲有金女者出丁酉金爲妻才子孫生之其禍滋甚又六年而通於中國又六年丙午滕蛇宋其危乎明兩作乎焚如死如棄如有二君者實受其禍太祖曰然則遂亡乎搏曰宋火德也火德猶盛宋之子孫常有興於東北終於東南有近君者實竊其位太祖曰興於東北終於東南其人安在曰明夷之六四曰復明夷之心于出門庭東北之位也出涕沱若興復之志也近君者雖竊其位火德也丁巳歲其危乎太祖曰中原可復得乎曰陛下得國之初而卜得東南旺卦亦終而已矣歲在癸巳滅我者其衰乎甲午宋德復興有賢人扶之則可以復古如非其人雖能復之亦旋失之歲在庚申宋之祚其衰矣自辛酉至庚申已三百年過此以往未之或知也又指地爐中餘木曰可能復過此乎捨杖而睡

三朝聖政錄眞宗召大理評事馮元說周易泰卦元數衍卦體謂天氣下降地氣上升然後交泰猶君下接於臣臣上承於君然後君臣道通若天以高亢居上則地無由得交於天天地不交何由得泰君以尊天自持臣何由得接於君君臣不接何由得泰却掃編趙岐字德進宋城人少治易時龔深甫易解新出世未多見岐聞考城一士人家有之則徒步往見獨攜餅十數枚以行既至其門求見主人問以借書之事意頗以爲難而命之飯岐辭曰所爲來者欲

見易解耳非乞食也主人嘉其意方許就傳因館之一室中岐闔戶晝夜寫錄飢則啖所攜之餅數日而畢歸書主人長揖而還

玉海慶曆五年九月戊寅鑄鼎十有二先是賈昌朝侍經筵帝問鼎卦聖人亨以享上帝今郊何以無鼎遂命阮逸胡瑗鑄銅鼎製鐃刀

家世舊事謝師直尹洛時嘗談經與鄱意不合因曰伯淳亦然往往在上元某說春秋猶時見取至言易則皆曰非是願謂曰二君皆通易者也監司談經而主簿乃曰非是監司不怒主簿敢言非通易能如是乎泊宅編符建間有杭州學教授出易題誤寫坤爲釜作金字一學生知其非佯爲未喻懷經上請教授因爲立義以酬之生徐曰先生所讀恐是建本據此鑒本乃是釜字教授大慚鳴鼓自罰

後山談叢楊內翰會云莊遵以易傳揚雄傳侯芭自芭而下世不絕傳至沛周郊鄉傳樂安任奉古奉古傳廣凱傳繪所著索蘊乃其學也

世傳王氏元經薛氏傳關子明易傳李公對問錄皆阮逸所著逸以草示蘇明允而子瞻言之

宋丁未錄楊繪過池陽見丘濬濬曰明年當改元以周易步之豐卦用事必以豐字紀年果改元元豐避暑錄話章子厚嘗延一太學生在門下元豐末學者正崇虛誕子厚極惡之適至書室見其講易略問其說其人縱以性命荒忽之言爲對子厚大怒曰何敢對吾亂道亟取杖命左右擒欲擊之其人哀鳴乃得釋

聞見後錄晁以道爲予言嘗親問東坡曰先生易傳

當傳萬世曰尚恨某不知數學耳

程沙隨外編或人筮婚姻得小過者不知其占再筮之亦得小過為占之曰內卦互得漸漸女歸吉外卦互歸妹說以動所歸妹也

夢溪筆談江南人鄭夫曾為一書談易其間一說曰乾坤大父母也復姤小父母也乾一變生復得一陽坤一變生姤得一陰乾再變生臨得二陽坤再變生遯得二陰乾三變生泰得四陽坤三變生否得四陰乾四變生大壯得八陽坤四變生觀得八陰乾五變生夬得十六陽坤五變生剝得十六陰乾六變生未濟本得三十二陽坤六變生歸妹本得三十二陰乾坤錯綜陰陽各三十二生六十四卦夫之為書皆荒唐之論獨有此變卦之說未知其是非予後因見兵部外郎秦君玠論夫所談駭然嘆曰夫何處得此法玠曾遇一異人授此數歷推往古典章運曆無不皆驗常恨不能盡得其術西都邵雍亦知大略已能洞吉凶之變此人乃形之於書必有天譴此非世人得聞也予聞其言怪兼復甚祕不欲深詰之今夫與雍珍皆已死終不知其何術也

洪氏夷堅志宋南渡前葉助年壯無子問日者黃某筮之得賁曰今日居辰土土加賁為墳君當生子但必有悼亡之戚果生男數歲而晁夫人卒葉助生少蘊少蘊登第為淮東提刑周崇實婿常命一黃山人筮遇晉曰二年後學生二女晉卦坤離二陰也晉字兩口卦辭晝日三接三年之象也候驗當以前程奉告少蘊深惡其說已而果然遂問異時休咎曰公貴人也當徧歷清要登政府終節度使宜善

自愛少蘊以白父父曰三十年前有一黃氏占得汝之期不誣且謂當建節者豈此人耶試更召之真所筮者父子待之如神少蘊後為尚書左丞紹興間年七十告老得觀文殿學士除崇慶軍節度使致仕二年薨如黃生之言

山堂肆考紹聖間程頤削籍竄居白巖注易淵源所漸皆為名士性理大全程子曰若果無圖書八卦亦須作因見賁免者曰只觀此兔亦可作八卦

朱子語錄董銖錄戊辰年省試出剛中而應或云此句凡七出某將彖辭暗地默數只有五箇其人堅執某又再誦再數只與說記不得只記得五出且隨某所記行文已而出院檢本果五出耳又云只記得大象便畫得卦

陳淳錄先生于州治之後圖畫為井字九區中石甃為高壇中之後區為茅菴菴三意欄左為泰卦右為否卦後為復卦前為剝卦菴前接為小屋前區為小茅亭左右三區各別植桃李而間以梅九區之外圍繞植竹是日游其間笑謂諸生曰上有九疇八卦之象下有九丘八陣之法

蘇州府志陸綰常熟縣人登呂溱榜進士有易學雜說未成書蘇明允嘗贈詩美其於諸經有造詣朱長文從泰山孫復授經太學擢嘉祐四年乙科撰易解

四川通志箍桶翁成都隱者伊川侍其父大中公於蜀嘗見箍桶者挾冊就視之則易也因質所疑酬答如響問其姓名不言問未濟男之窮曰三陽皆失位

也後袁滋問易伊川曰易學在蜀按宋史無治易翁極者志稱蘇軾翁

處州府志周南字南仲遂昌人自號知常叟壯歲東書遊四方宋建炎初見李易作狀元遂無意仕進乃受潘子醇忘筌書以歸與邑士子論學其講易由靜極生動乾生於坤因歸其說於坤之六二大抵皆祖忘筌而暗合於歸藏時人稱之為知常先生以易學著各後祀于學

松江府志陳宏甫田人宋末徙居華亭以儒業起家遂於易嘗著易象發揮易孟通言童子問金史宗道傳宗道系出景祖太尉訛論之少子也通周易

范拱傳拱九歲能屬文深於易趙秉文傳秉文著易叢說十卷

文藝傳麻九疇始以古學自力博通五經於易春秋為尤長與定未試開封府詞賦第二經義第一初因經義學易後喜邵堯夫皇極書

隱逸傳張潛幼有志節慕荆軻為政為人年三十始折節讀書時人高其行誼曰張古人後客崧山從仲振受易

元史董文炳傳文炳子士選晚年好讀易澹然終其身

劉秉忠傳秉忠於書無所不讀尤邃於易劉秉忠傳秉忠好讀書年弱冠受易於劉肅遂明理學

郝經傳經家貧晝則負薪米為養暮則讀書撰易書許衡傳衡逃難徂徠山始得易王輔嗣說時兵亂中

衡書思夜謂身體而力踐之往來河洛間從柳城姚

樞得伊洛程氏及新安朱氏書益大有得

王鶚傳甲辰冬訪求遺逸之士遣使聘鶚及至召對

請講易每夜分乃罷

劉肅傳肅嘗集諸家易說曰讀易備忘

楊恭懿傳恭懿家貧力學書無不讀尤深於易

何榮祖傳榮祖所著有學易記

吳澄傳至元十三年居布水谷校定易書詩春秋儀

禮及大小戴禮侍御史程鉅夫請置澄所著書於國

子監以資學者朝廷命有司即其家錄上行省據元

明善以文學自負嘗問澄易詩書春秋奧義嘆曰與

先生言如探淵海遂執弟子禮終其身澄於易春秋

禮記各有纂言

袁桷傳桷所著有易說

齊履謙傳履謙六經諸史無不淹貫著易繫辭旨略

三卷易本說四卷

虞集傳集曾祖剛簡嘗著易說以發明其義

儒學傳趙復字仁甫與人交尤篤分證元好問文名

擅一時其南歸也復贈之言以自修讀易求文王孔

子之用心為勉其愛人以德類若此

胡一桂字庭芳徽州婺源人生而穎悟好讀書尤精

於易初饒州德興沈貴寶受易於董夢程夢程受朱

熹之易於黃幹而一桂之父方平及從貴寶夢程學

嘗著易學啓蒙通釋一桂之學出於方平得朱熹氏

源委之正朱景定甲子一桂年十八遂領鄉薦試禮

部不第退而講學遠近師之號雙湖先生所著書有

周易本義附錄纂疏本義啓蒙翼傳並行於世一桂

同郡胡炳文仲虎亦以易名家作易本義通釋

黃澤字楚望澤於名物度數考數精審而義理一宗

程朱作易經解以明象為先以因孔子之言上求文

王周公之意為主而其機括則盡在十翼作十翼舉

要忘象辨象略辨同論又懼學者得于創聞不復致

思故其所著多引而不發乃作易學濫觴示人以求

端用力之方

鄭淵孫字景歐景定間進士所著有大易法象通贊

周易記玩等書

劉詵字桂翁廬陵人詵為文根柢六經所著周易多

發前儒之所未發

吳師道字正傳蘭溪人為國子博士其為教一本朱

熹之旨著易雜說

周仁榮字本心台州臨海人父敬孫嘗著易象占仁

榮承其家學治易

伯顏一名師聖字宗道生三歲嘗以指畫地或三或

六若為卦者

瞻思字得之達於經而易學尤深所著有陰陽奇偶

消息圖

忠義傳鄭玉字子美徽州歙縣人至正十四年除翰

林待制所著有周易纂注

隱逸傳張特立字文舉泰和進士白首窮經誨人不

倦所著有易集說

何中宇太虛所著有易類象二卷同郡危復之字見

心宋末為太學生博覽羣書尤好讀易

武格字伯威格好讀周易每日堅坐或問之曰先生

之學以何為本格曰以敬為本

太平清話梅花道人嘗與兄元璋師事毘陵柳天驥

得其性命之學尤遂於易言禪祥皆中

吉安府志吳縣末新人宋末兵亂避仇轉徙山西改

姓名張應珍自號義山先生示不忘其故土著周易

宗程朱而不為苟同如參天兩地而倚數鄉以為本

義天圓地方圓者一而圓三三各一奇方者二而圓

四四合二耦似費擬議蓋五生數之中天數一三五

凡參地數二四凡兩故聖人參兩之以倚數八卦之

象乾坤天地以太虛言之也震巽天地之長男女為

雷風有氣無形坎離天地之中男女為水火有形無

質艮兌天地之少男女為山澤有質確定矣其說頗

有據元駙馬都尉高唐郡王闊里吉思嘗從之質疑

焉為刻其書于平陽路且序其里居為詳上之令藏

祕閣

彭復初元時安福人自幼即屏去舉子業一以聖賢

為師法晚年尤精于易本邵朱之說著易學源流郡

邑諸名士多出其門

明外史周定王櫛傳鎮國中尉睦樺鎮平王諸孫覃

精經學尤遂於易謂本朝經學一本宋儒古人經解

殘缺放失乃訪求諸海內通儒繕寫藏弃若李鼎祚

易解皆叙而傳之築室東坡之上延招學徒與其研

席名聲籍甚呂柟與論易歎服而去

寧獻王權傳鎮國中尉謀璋束修自好貫串羣籍著

易象通八卷病革猶與諸王講易至夜分有星光大

如斗墜里中樓鳥皆悲鳴越二日而逝

唐定王經傳三城王芝堦博極羣書弘治二年勅賜

五經四書營御書樓翫易洞著進修彙若干卷

第五六五冊 之〇四葉

理學彙編經籍典第九十三卷易經部

古今圖書集成

理學彙編經籍典第九十三卷易經部

理學彙編經籍典第九十三卷易經部

荆王贈桐傳見源曾孫載塔尤以文行稱折節士大夫讀易窮理

管同傳同幼穎異受易於甘楚材太祖下武昌召爲國子博士時功臣子弟教習內府諸博士治一經不盡通同淹貫羣籍講易最善太祖善之

鮑恂傳恂字仲孚崇德人受易於臨川吳澄著大易傳義學者稱之

朱善傳洪武十八年擢文淵閣大學士論說多稱旨嘗講家人卦心箴帝大悅

劉三吾傳洪武三十年偕紀善白信蹈等主考會試榜發泰和宋琮第一北士無與者琮善易學登第官檢討悵然語人曰翰苑當有厄吾其竄乎既而諸生上言三吾等南人私其鄉帝怒命侍講張信等覆閱不稱旨有言信等故以陋卷呈由三吾等屬之也帝益怒信蹈等論死三吾以老成邊琮亦遣戍帝親策問更試擢六十一人皆北士時謂之南北榜琮末樂初赦還宣德中以檢討掌助教事卒之前預刻死期或扣以休咎不應

陳性善傳性善名復初以字行山陰人初誠意伯基卒詔御史李鐸往取遺書基子璉出觀象玩占諸祕冊隨鐸詣闕上之性善工書召入便殿繙錄帝威嚴見者多憚懼至惶汗不成一字性善舉動安詳字畫端好帝大悅賜酒饌留竟日家人以爲死矣比出大驚喜

葉希賢傳希賢松陽人以進士爲御史燕王稱帝去爲僧改名暨號雪菴和尚走蜀之重慶大竹善慶里山水奇絕處棲焉隱者杜景賢知其非常人卽其地

爲築菴與其徒數人居之晨夕誦周易景賢曰僧宜誦佛經暨卽讀佛書

薛瑄傳都御史王文誼瑄等故出人罪論瑄死下獄待決瑄讀易自如王偉申救乃免

羅洪先傳洪先雖宗良知學然未嘗及守仁門恆舉易大傳寂然不動周子無欲故靜之旨以告學人

錢德洪傳王守仁自尚書歸里德洪偕數十人共學焉累官刑部郎中郭勛下詔獄德洪據獄詞論死帝雅不欲死下德洪詔獄御史楊爵都督趙卿亦在繫德洪與講易不輟

楊爵傳帝中年好祥瑞爵疏詆符瑞帝怒立下獄所著周易辨則獄中作也

俞大猷傳大猷字志輔少好讀書受易於王宜林福得蔡清之傳又聞趙本學以易推衍兵家奇正虛實之權復受其業

王樵傳樵達經學於易有纂述顧憲成傳萬曆八年進士以吏部主事告歸讀易春秋者三年

呂柟傳柟字仲木別號涇野學者稱涇野先生所著有易說翼諸書

張邦奇傳邦奇年十五作易解錢一本傳一本潛心六經濂洛諸書研精易學著述滿家與顧憲成輩主東林講席學者稱啓新先生

黃道周傳道周學貫古今所著易象正三易洞璣學者窮年不能通其說而道周用以推驗治亂歿後家人得其小冊自推終於丙戌年六十二始信其能知來云

儒林傳汪克寬盡力經學易則有程朱傳義音考梁寅結廬石門山所著有周易參議行於世趙汭開九江黃澤有學行往從之游得口授六十四卦大義

張洪好讀書撰修撰著周易會通諸書散佚不傳曹端著有周易乾坤二卦解義學者稱百川先生胡居仁以斯道自任淮王聘入講易以賓禮禮之鄭侑有高志著易義發明盡於火

蔡清裏糧數百里就候官林杲學易盡得其肯綮以善易名天下天下執業者靡不應之不倦所著易經蒙引盛行於世

趙遼東平人受易於蔡清先是蔡氏易止行於閩南及是清大喜盡以語之由是蔡氏易北行齊魯矣陳琛所著易經通典舉業家宗之琛同郡林希堯所著易經四書存疑與蒙引通典淺說並盛行於世嘉靖二十九年上所改大學經傳定本及存疑於朝世宗大怒詔焚其書然其書猶行於世

湛若水嘉靖三年進侍講復疏言臣以經術事陛下嘗讀屯否二卦屯者陰陽始交而難生君臣欲有爲而未遂此則陛下登極時然也否則陰陽間隔而不通內外扞格而不合陛下視今日於此卦何如哉夫屯而不濟必至於否否而不濟將有不可勝言者

倪復新鄞人性嗜學窮探幽渺務得指歸著有易繫辭解

復同邑戴圭字秉誠踐履篤實著有易經大旨何屋宇朝舉由舉人直弘文閣出爲程番知府歸授徒著書尤達於易所著有易經諸解

季本字明德會稽人由進士歷長沙知府著有易學四同著法別傳

李舜臣字懋卿山東樂安人嘉靖二年會試第一官

南京尚寶時取易詩書儀禮記左傳分日讀之每

六日一易乃著易卦序言易詩書三經考諸書一時

經學之士未有出其右者

任瀚字少海南充人嘉靖八年進士歷左春坊左司

直致仕瀚既被廢益反求六經闡明聖學晚尤潛心

於易深有所得

熊過瀚同年進士累官祠祭郎中學通經術著周易

象旨決錄諸書談經者尚之

蔡元偉字伯瞻晉江人總角受書即慨然有求道之

志非聖賢之書弗觀非孝弟之志弗存所著有易經

聚正

徐師曾字伯魯吳江人嘉靖進士歷吏科左給事中

乞休家食既久銳意窮經撰周易演義行於世

師曾之後士大夫以通經著者有沈瑞臨字夢錫萬

曆五年進士歷按察使事以終養歸龍山天眞院所

著有易義十卷

朱睦㮮字灌甫高皇帝七世孫年二十通五經尤邃

於易其學不專爲師說聚漢魏以來諸家殫精研思

務求不詭於聖人呂柟道其境與論易東坡上歎服

而去

來知德字矣鮮夔州梁山人所註周易集註一編用

功九篇自言學莫達於易初結廬釜上學之六年無

所得復遠客求溪山中潛精殫思者數年始悟易象

又數年始悟文王序卦孔子雜卦之意又數年始悟

卦變之非蓋二十九年而後書成其專精如此
焦竑字弱侯江寧人萬曆十七年殿試第一博極羣
書生平著述甚富有易筌等書

吳桂森字叔美無錫人幼有志行長聞同郡錢一本

善易往從之游盡得其指要所著有周易象述

卓爾康字去病仁和人萬曆年舉於鄉歷兩淮運判

於學無所不該而尤邃於經術所著易說五十卷談

經者尚之

同時鄭光弼字右君慈谿人爲太平府教授經學深

醇著有易釋

劉元卿安福人萬曆二年再赴會試不第出遊黃安

訪耿定向於定何悟生謂易之旨欣然自信學益

進

章潢字本清南昌人年十六即有志聖賢之學殫精

經籍著周易象義諸書名播遠邇弟子從游甚衆

文苑傳趙搢諫名古則更名謙餘姚人天台鄭四表

善易往從受易

陳仁錫長洲人聞武進錢一本善易往師之得其指

要

忠義傳馮雲路同邑熊甯字渭公崇禎十六年元旦

盡以所撰大易參諸書付其三弟曰讀此可以保身

立命我生平積力在焉善藏弗失

吾學編雪庵和尚傳曰和尚名暨不知其姓靖難初

落髮爲僧走重慶有隱士杜景賢知和尚非常人與

之游往來白龍諸山山旁有松柏灘爲寺居之昕夕
誦經山人不知書且謂誦佛經乃不知其誦易乾
卦也按此即明外史所載葉希賢傳中
事並存之使後人知所考正也

明詩紀事周之翰字申甫華亭人博極羣書尤精易
學自號易癡道人

名山藏永樂二年九月侍講學士王達侍皇太子進

講乾九四爻舉儲貳爲說皇太子名楊士奇問曰達

不合議否士奇對曰此本宋儒胡瑗之說也曰常人

得此爻亦舉此說乎士奇曰程子云凡卦六爻人人

有用君有君用臣有臣用無所不通皇太子大悅

蘇州府志俞貞木初名楨字有立少聰敏篤志學問

既冠或勸之娶以學業未成弗聽未嘉陳麟以易名

來寓吳中貞木從學多所開悟後麟登進士知慈谿

縣貞木負笈卒業洪武初薦爲樂昌知縣

周南老字正道端毅好學者易傳集說明初微詣太

學後放還

鄭闕字以純嘉定人少學易于鮑恂長洲崑山更聘

爲學訓導治易者多出其門自號味易叟所著有味

易餘吟洪武中授禮部郎中

林大同力學六經子史手自抄讀不間寒暑著易經

與義洪武中爲開封訓導

張洪字宗海常熟人博綜羣經羽翼諸儒所未及著

周易會解洪武三十三年以明經除靖王府教授

休寧縣志吳買字漢臣性敏嗜學通五經尤明于易

洪武初屢徵不就

蘇州府志顧異字順中長洲人受易於鄉儒周傳爲

程文行敬服之當時從異受經者甚衆而賀廉孔友

諒顧恂輩皆中魁選吳中易學實始於異永樂甲辰
登進士
賀廉字以清蓬子易永樂癸卯中京闈第二

陳繼字嗣初受易于俞貞木洪熙初楊士奇薦授翰林五經博士

桑瑾字廷璋常熟人景泰丙子領鄉薦年踰大耋不廢書著讀易備忘

周木字近仁常熟人成化乙未進士有高識留心心性理以學自名晚尤好易所畫諸圖因義文卻子之所

命者而行之其書有易心逸說

桑悅字民懌常熟人家貧無蓄書從肆中鬻得讀過輒焚去著易傳解舉成化乙未鄉試

楊循吉字君謙吳縣人少從舅氏劉昌學易成化甲辰登進士

江寧府志梅純字一之一字損齋成化辛丑進士正德初以中都留守致政生平嗜學不厭見奇書嘗解

衣購之篤信程朱所藏書皆手自抄錄崔後渠嘗題其所書易解以訓諸子

錢貴字元抑長洲人領弘治戊午鄉薦所著有易通行世

涇縣志左輔字弼之別號沙園治易經登弘治丙辰進士歷瑞州同知忤劉瑾謫南城訓導起知寧州有

周易本義附說

蘇州府志歸有光字熙甫崑山人嘉靖乙丑成進士嘗謂易亂于河圖洪範亂于洛書乃作洪範傳易圖

論明聖人以天道治人無與乎數圖與書正不必相表裏自謂其言雖聖人復起不能易也

張鳳翼字伯起嘉靖甲子舉于鄉少受易于丁少參已從仕每過其門必下車

南昌府志萬廷言字以忠南昌人虞愷之子嘉靖進

士歷雲南提學僉事謫汀州府推官稍遷同知廣平府罷歸歸而學易有悟謂衆卦根乾坤而乾坤惟奇偶偶亦奇之分其是一也然觀竅于乾坤之際觀妙于未發之時惟坎司其中伏羲氏本天三聖行之以人人能引道非洗心退藏恬淡深密孰能與于此推此類具言之多所發明其傳者易原易說約語學易齋前後集經世緝要共若干卷

上元縣志伊秉宇德載資性穎異聞四明楊文懿遂于易不遠千里往從之游文懿愛之至老好學不倦

楊剛中所著有易通微說若干卷

嘉興府志鍾繼元字仁卿嘉靖進士歷僉嶺南憲以最移楚有易竅易準易考易占易原京房康節啓蒙

畫前錄諸書

松江府志莊允中字執卿少穎悟里中號神童遊北雍領隆慶元年鄉薦第一郡鮮易學允中得歸有光

真傳授之方應選易學遂廣張璞字廷采華亭人刻志于學躬耕隴畝一編自隨博覽無所不究而尤邃于易著易髓一卷仕陳州學

正

蘇州府志王志長字平仲篤志經學以易起家萬曆庚午舉南閩庚辰中乙榜與甲榜同授官

江都縣志金九疇字禹吾本休寧人世以儒術顯九疇尤嗜學建東山書屋鑿八卦井終日玩索吟詠其間猶以墳典未備萬曆時乃編遊江南北訪求異書

以揚州爲四方名卿學士往來通會之區遂補江都諸生既又入太學讀監書聞見益博歸而著書曰吾

以此遺子孫足矣所著有自訂易經集說讀本藏于家

江都鄉賢錄王納諫字聖俞號觀濤萬曆癸卯解元丁未成進士歷吏部四司于書無不讀原本六經有易經家訓行世

無錫縣志吳桂森字叔美萬曆年序貢學易于武進錢一本受所著管見像鈔因廣其意作像象述崇禎初建麗澤堂又築小齋名來復口講易其中東林之緒賴以不墜卒祀崇正書院

江寧府志何棟如字子極舉萬曆戊戌進士授襄陽府推官時京師訛傳楚官兵擊殺瑞上怒縋縶逮逮

全楚臣首棟如下獄獄中日從馮慕岡受易未嘗以患難忘

深陽縣志方汝陽家貧學古遂于易理喜胡雲峰之說推行成帙爲何棟如史孟麟所賞學者稱爲聞崖先生

周晏字叔夜僻處湖東覃思易學遊于金沙從王損庵深談名理多所契會尤爲湯養仍所知所著易徵世傳之

衡州府志雷鳴春字以時號文衢未陽人由萬曆歲薦任南昌縣教授與章潢發明易象謂易本因象設教而王輔嗣得意忘言得言忘象之旨與聖人用意

不合因與潢及黃汝章姜士昌共定易說

金華府志楊忱中字德夫義烏人國子監丞累遷知新州著易原三卷其言欲觀八卦生而爲六十四卦

請玩先天圖欲觀八卦重而爲六十四卦則繫辭說卦之所言亦不可以無攷康節之極數知來其妙在

千加一倍法而重卦之本旨則恐不專在是自爲一義可也其不苟同如此

順天府志余之祥字鳳梧凡經史載籍皆經數次丹黃著有易經統旨

四川總志申錫潼川州人嘗作先天太極諸書自一歲一月一日一身皆有圖說至于九疇會極中央立極中星合極復分畫而附益之又作三易圖以釋其義讀書至老不倦

揚州府志陳以忠字恕先江都人初生室中聞荷香兩日不散補弟子員四方問字者屢滿戶外尤精易學常曰六爻之義統于大象更爲六十四卦大象說黃汝亨見之曰今之虞翻也

廣東通志紀通字守塞號豫一居平南松柏山之麓生而神靈精皇極經世之數由貢授陞川訓閉齋讀易每言奇中已而掛冠東歸修館屋教授弟子

吉安府志劉髦字孟恂末新人兒時即能通經史大義長益勵學嘗受易于廬陵謝子方子方大奇之既領鄉薦魁遂不求仕究心經術窮極洛閩指要以教鄉邑之來學者無不各成其才學者即所居稱爲石潭先生所著有覆瓿集示兒錄易傳撮要諸書行于世

江都鄉賢錄金玉節字元亮性穎悟博綜經史本以尚書世其家而于諸經無不究極精微大抵易宗程傳及朱子本義而參以周子太極邵子皇極推二極之理數以求河洛之源著易經參解十卷當時推爲儒宗卒祀鄉賢父子同日配享聖廟士林榮之
零陵縣志桑日昇字木生壬午舉于鄉後世亂鄉居

讀周子太極通書詳爲解釋又注疏易經皆別有確見不屑陳言公一生精意全在此數書

陳三績字玉凡年十五游于庠以歲例得一貢又棄去閉戶擁書校閱左持一扈右搦一管若與古人相晤對然所著有易經註釋

績溪縣志程汝惠業儒習醫尤精易著周易觀玩編祁門縣志汪思敬名敬以字行侍郎楊寧疏薦之著有易學象數舉隅周易傳通釋

無錫縣志嚴福孫字祺先棄諸生務求正學苦心讀易積十五年著通義九卷不徇諸家不爲僻解期明白簡當而後已又善太極大衍諸象數之學時或廢寢食而忽得其解爲易象圖義五卷

廣東通志謝惠字汝慎歸善人爲邑諸生歲薦至京卒業太學歸築處臺居之學一稟程朱而多自得嘗于臺畔折竹枝濡赤註易葉春及受而錄之名周易竹書

欽定古今圖書集成理學彙編經籍典

第九十四卷目錄

易經部雜錄

易經部外編

經籍典第九十四卷

易經部雜錄

易通卦驗必義作易周文增通八八之節轉序三百八十四爻以繫王命之瑞故正其本而萬事理失之毫釐差以千里

春秋說題辭易者氣之節含精宣律上經象天下經叶曆文言立符象出期節彖言變化繫設類迹

孝經援神契易長於變

列子天瑞篇昔者聖人因陰陽以統天地夫有形者生於無形則天地安從生故曰有大易有太初有太始有太素太易者未見氣也太初者氣之始也太始者形之始也太素者質之始也

子華子執中篇子華子曰天之精氣其大數常出三而入一其人在人呼則出也吸則入也是故一之謂專二之謂耦三之謂化專者才也耦者幹也化者神也凡精氣以三成三者成數矣宓犧軒轅所柄以計者也赫胥大庭愔恍而有所遺者也故曰出於一立於兩成於三連山以之而呈形歸藏以之而御氣大易

以之而立數也

史記田敬仲完世家太史公曰蓋孔子晚而喜易易之爲術幽明遠矣非通人達才孰能注意焉故周太史之卦田敬仲完占至十世之後及完奔齊懿仲卜之亦云田乞及常所以比犯二君專齊國之政非必事勢之漸然也蓋若遵厭兆祥云

太史公自叙易著天地陰陽四時五行故長於變漢書五行志易曰天垂象見吉凶聖人象之河出圖雒出書聖人則之劉歆以爲處義氏繼天而王受河圖則而畫之八卦是也禹治洪水賜雒書法而陳之洪範是也河圖洛書相爲經緯八卦九章相爲表裏昔殷道弛文王演周易周道衰孔子述春秋則乾坤之陰陽效洪範之咎徵天人之道粲然著矣

鄭元易注易一名而含三義易簡一也變易二也不易三也

王粲荊州文學官志夫易惟談天人神致用故繫稱旨遠辭文言中事隱韋編三絕固哲人之驪淵也劉熙釋名三墳墳分也論三才之分天地人之治其體有三也

易易也言變易也

申鑒俗嫌篇或問卜筮曰德斯益否斯損曰何謂也吉而濟凶而救之謂益吉而恃凶而怠之謂損

帝王世紀庖犧氏作八卦神農氏重之爲六十四卦黃帝堯舜引而伸之分爲二易至夏人因炎帝曰連山殷人因黃帝曰歸藏文王廣六十四卦著九六之爻謂之周易人物志序聖人著爻象則立君子小人之辭

神仙傳魏伯陽作參同契五行相類凡三卷其說是周易其實假借爻象以論作丹之意而世之儒者不知神丹之事多作陰陽注之殊失其旨矣

博物志太古書今見存有神農經山海經或云禹所作周易按先儒皆謂夏易連山此條又稱禹所作周易存之以備考

文心雕龍宗經篇皇世三墳帝代五典重以八索申以九丘歲歷綿緱條流紛綵自夫子刪述而大寶咸耀於是易張十翼易惟談天人神致用故繫稱旨遠辭文言中事隱韋編三絕固哲人之驪淵也

蕭綺拾遺錄伏羲爲上古觀文於天察理於地俯仰二儀經綸萬象至德備於冥昧神化通於精粹是以圖書著其迹河洛表其文變太素之質改淳遠之化三才之位既立四維之義乃張

顏氏家訓易有蜀才注江南學士遂不知是何人王儉四部目錄不言姓名題云王弼後人謝吳夏侯該並讀數千卷書皆疑是譙周而李蜀書一名漢之書云姓范名長生自稱蜀才南方以晉渡江後北間傳記皆名爲偽書不貴省讀故不見也士有坎壞失於盛年猶當晚學不可自棄孔子五十以學易朱雲亦四十始學易遂成大儒古人之晚成者如此

中說王道篇薛收問至德要道文中子曰至德其道之本乎要道其德之行乎易不云乎顯道神德行大哉神乎所自出也至哉易也其知神之所爲乎天地篇九師興而易道微

周公篇文中子曰易之憂患業業焉孜孜焉其畏天憫人思及時而動乎繫師元曰遺矣吾視易之道何

其難乎文中子笑曰有是夫終日乾乾可也視之不臧我思不遠

問易篇劉炫問易文中子曰聖人於易沒身而已况吾儕乎炫曰吾談之於朝無我敵者文中子不答退謂門人曰默而成之不言而信存乎德行

魏徵曰聖人有憂乎文中子曰天下皆憂吾獨得不憂乎問疑曰天下皆疑吾獨不疑乎徵退文中子謂董常曰樂天知命吾何憂窮理盡性吾何疑

文中子在蒲聞遼東之敗謂薛收曰城復於隍矣

文中子曰易聖人之動也於是乎用以乘時矣故夫卦者智之鄉也動之序也元亨利正運行不匱者智之功也

文中子贊易至序卦曰大哉時之相生也達者可與幾矣至雜卦曰旁行而不流守者可與存義矣

述史篇文中子贊易至于革歎曰可矣其孰能為此哉至初九曰吾當之矣又安行乎

薛收問一卦六爻之義文中子曰卦也者著天下之時也爻也者倣天下之動也趨時有六動焉吉凶悔吝所以不同也收曰敢問六爻之義曰六者非他也三才之道誰能過乎

文中子赴洛道于河池主人不授館有飢色坐荆棘間贊易不輟也謂門人曰久矣吾將輟也而竟未獲今也而通大困困而不憂窮而不憚通能之斯學之力也主人聞之召舍具餐焉

魏相篇贊易至觀卦曰可以盡神矣

薛收問易文中子曰天地之中非他也人也收退而歎曰乃今知人事修天地之理得矣

贊易至山附於地剝曰固其所也將安之乎是以君子思以下人

駱賓王上裴侍郎書易曰書不盡言言不盡意然則義在乎象非書無以達其微辭隱乎情非言無以鑒其旨

筆記王弼注易直發骨髓不如鄭元等師承有來也或曰何以得立為一家予曰弼棄易象五體專附小象衍成其文是以諸儒不能普退之今講易者已讀弼註訖至小象則更無可敷衍矣劉齊善言易說曰

六十四卦本之乾坤及諸卦中皆有乾坤象意孔子叙乾為玉為金坤為牛為輿之類本釋他卦所引非徒言也弼不可云得意忘象得象忘言

聞見後錄王弼注鼎折足覆公餗其形渥凶以為沾濡之形也蓋弼不知古易形作刑渥作劇刑音屋故新唐書元載贊用刑劇亦周禮劇誅云

伊川之學以誠敬為本其傳震驚百里不喪匕鬯曰動之大者莫如雷故以雷言之震驚百里其威遠也人之致其誠敬莫如祭祀以載鼎實升於俎鬯以灌地而降神方其酌灌以求神薦牲而祈享盡其誠敬之心雖雷震之威不能使之懼而失守也故云不喪匕鬯夫臨大震懼能安而不自失者惟誠敬而已

誠敬最善乎故表出之

伊川說納約自牖曰約所以盡結其君之道也自牖因其明也牖所以通內外之象也人臣以忠信善道結於君心必自其所明處乃能入也人心有所蔽有所通所蔽者闇處也所通者明處也就其明處而告之則易也自古能諫其君未有不因其所明者也張

子房之於漢是也高祖以戚姬故將易太子是其所蔽也言而不察何四老人者高祖素知其賢而重之此其不蔽之明心故因其所明而及其事則悟之如反掌且四老人之力執與子房周昌叔孫通然不從彼而從此者就其蔽而就其明之異耳且不論易之義當否於理則善矣故表出之

古易卦爻一家二象三文言四繫辭五說卦六序卦七雜卦八其次第不相雜也先儒謂費直專以象象文言參解易爻今人象象文言於卦下者自費氏始孔穎達又謂王輔嗣之意象本釋經宜相附近爻之象故各附當卦蓋古易已亂於費氏又亂於王氏也予家藏大父康節手寫百源易實古易也百源在蘇門山下康節讀易之地舊秘閣亦有本

程伊川說黃裳元吉婦居尊位女媧氏武氏是也非常之變不可言也故有黃裳元吉之戒如武氏之變固也女媧不見於書果有煉石補天之事亦非變也不言漢呂氏獨非變耶蘇仲虎則曰伊川在元祐時以罷逐故為此說以詆垂箔之政予不敢以為然

予官中祕時陳瑩中諸子出瑩中答楊中立辨伊川不論先天之學書因以予舊見伊川從弟穎出伊川之書盈軸必勉以熟讀王介甫易說云云跋下方士為伊川之學者曰吾師易學何王氏足言譁然不服欲我擊也欲更與之辨則舊贍穎所出伊川之書亡矣近守眉山有程生者出伊川貽其外大父金堂謝君書在晚謫涪陵時猶勉以學易當自王介甫也錄之將示前日以不信遇我者願啓前月未吳齋郎深到書信急通中奉報計半月方達冬寒遠想動履安

和僑居旋爲客次日以延望乃知止行甚悒也來春江水穩善候有所授能一訪甚佳只云忠涪間看親人必不疑也隨偕小子甚安來春本欲作春秋文字以此無書故未能却先了論孟或禮記也春秋大義數十較如日星不容遺亡只恐微細義例老年精神有所漏落且請推官用意尋究後日見助如往年所說許止蔡般書葬類是也若欲治易先尋繹令熟只看王弼胡先生王介甫三家文字令通貫餘人易說無取枉費功年亦長矣宜汲汲也未相見間千百懷愛十一月初九日願啓知縣推官

程伊川易傳得失未議示不過辭也故爲鄙近然亦辭也在康節時于先天之易非不問不語之也後伊川之人數爲妄爭舊於陳瑩中報楊中立游定夫書辨其略矣并列之下方以遺知言之君子

陳瑩中答楊中立游定夫書康節云先天圖心法也圖雖無文吾終日言未嘗離乎是故其詩曰身在天地後心在天地先天地自我出自餘惡足言又云數往者順知來者逆此一節直解圖意如逆知四時之化也然則先天之學以心爲本其在經世者康節之餘事耳世學求易於文字至語皇極其或以爲考數之書康節詩云自從三度絕韋編不讀書來十二年俯仰之間無所愧任人誇道是神仙同時者目其人爲神仙後來者名其書爲考數皆康節之所不憾也乃其心則務三聖而已矣觀物云起震終艮一節明文王之八卦也天地定位一節明伏羲之八卦也蓋先天之學本乎伏羲而備於文王故其詩曰天地定位否泰反類山澤通氣咸損見義雷風相薄恆益起

意水火相射既濟未濟四象相交成十六事八卦相憑爲六十四八卦者易之小成也六十四卦者易之大成也集伏羲文王之事而成之者非孔子而誰乎康節嘗謂孟子未嘗及易一字而易道存焉但人見之者鮮又曰人能周易是爲知易若孟子可謂善用易者也夫易窮則變變則通通則久故聖人之用易闔闢於未然變其窮而通之也若夫暑之窮也變而爲寒寒之窮也變而爲暑則是自變而自通者也窮自變通自復何賴於聖人乎孔子贊易而非與易競孟子用易而語不及焉此所謂賢者識其大者其去聖人之用也不爲遠矣然而或非太元爲覆甌之書或躋孟子於既聖之列私論害公義有所在闔闢於未然豈乏人哉奈何其無益也觀物云防乎其防邦家其長子孫其昌是以聖人重未然之防是謂之易之大綱而其論孔子所以盡三才之道者則曰行無轍迹至妙至妙在一動一靜之間而已矣闔先天之幽微先天之顯不在康節之書乎雖在康節之書而書亦不足以盡其奧也故司馬文正與康節同時友善而未嘗有一言及先天學其著家範本於家人一卦而進取王弼之說今之說易者方且厭常出奇離日用而鑒太空也又或謂文正公擬先天之學豈足以語二公弛張之意乎二公不可得而見矣唯徒見其書而欲窺其心然乎否耶當先覺之任者願賜一言庶幾終可以無大過也

論先天八卦之位與繫辭不同確竊謂康節先生所以辨伏羲文王之易者爲明乎此也伏羲之易乾南而坤北自乾而左巽而右兌在東離爲陽與起震絡

艮之序則離上而坎下震東而兌西與先天之位固不同矣乾坤屯蒙之序與乾履大有大壯之序亦不同也乾坤屯蒙之序孔子作序卦以教天下其辭其義可翫而習也乾履大有大壯之序文王不言其義後之學者何所據而習之雖無可據之義而悟之在心心聲不足以發其奧心畫不足以形其妙墮於言語文字而先天之易隱矣素隱之士豈乏人哉背理而求數文王憂之固闔其門而拒其出孔子繼文王之志微顯闡幽一以仁義默而成之不言而信聖人之教如此潔淨精微可謂至矣後之學者猶有舍經取緯違大理而黷正經者京房之流是也康節云物理之學不可強通強通則失理而入於迷矣皇極之書不可以強通者也失理之士捨仁義而迷小道背來物而役私情如是而取皇極者文正圖焉非與康節異心也蓋伏羲文王之易一而不一文王康節之學同而不同皇王之時異闔闢之義殊易之所以爲異者未嘗二也所謂伏羲之八卦文王之八卦未嘗異未嘗同也曰一曰二曰異曰同者皆求異情爾確竊意其如此而情之所是亦不敢以爲必然更須面叩乃可以決耳蒙論繫辭論釋諸爻未有及象數者豈得意忘象者真孔子之學耶此言盡易之要矣至於日星氣候之說未及深考然以爻當其既出於繫辭而曆象二語又載於堯典月令所紀皆節候也鳥火虛昂可辨分至辰弗集房則失日可知春秋日食之數後世曆象十得七八已號精密是故離坎之上下乾坤之南北在六經者悉皆可考不獨易也孔子曰寒往則暑來暑往則寒來寒暑相推而歲成焉歲

不能自成也當有成歲之法卦三百有六旬有六日以閏月定四時者成就之法也治曆明時乃先王莫大之政以引征考之可以見矣王省惟歲而成歲之法付之有司有司失職必誅無赦非如他罪之可有也夫何聖而不然哉賴此以授民時也敢不欽乎然而聖人之文經天緯地經出於上而緯在有司上接下守民時所賴皆不可以不欽也稽覽配合之說一本於緯曆法之所取而有司之所當習也康節云洛下閩但知曆法唯揚子雲知曆法又知曆理易之在先天者非曆理乎文正讀太元說曰測之以鬼神之狀而不違榮之以六經之書而不悖借使聖人復生視元必釋然而笑以爲得己之心矣乃知元者所以贊易非別爲書而易就也又曰夫敗者網而得之與弋而得之何異哉易網也元弋也何害不既設網而使弋者爲之助乎又曰孔子既沒知聖人之道者非揚子而誰與孟荀殆不足以擬況其餘乎確淺陋初不知元嘗輕議其書而妄評其是非自聞康節之言始索于雲於曆理之內及觀文正之論然後知太元不可不學而冥冥然未有人路尚苦其字之難識

况欲遽測其秘奧乎文正自謂求之積年乃得觀之讀之數十過參以首尾稍得闡其梗槩然後喟然置書歎子雲爲真大儒矣凡文正之學主之以誠守之以謙得十百而說一二其於元也不觀不到則其言不若是矣確初不聞此乃輕議子雲之書而妄評其是非心之愧恨可勝言哉棄舊誤於垂成累初習於平地庶幾推往而無懸積新而可隆尚賴先覺大君子許其止而與之進也

確所論康節之學恐不然康節詩云自從三度絕羣編不讀書來十二年俯仰之間無所愧任人謗道是神仙神仙且不受也以爲數學可乎康節云先天之學心法也然則其學在心或於內外欲觀休咎故以皇極爲考數之書耳如聞康節未嘗以皇極語人故其說不傳自有八卦可以闢玩惠迪則吉違之則咎何必更求休咎於皇極之書也

故諫議大夫陳公瑩中論康節先天之學書爲楊中立游定夫出也大諫公與康節不相接博之先君因公之請嘗進遺書之副歸焉於時國有巨盜據顯位未發公以言刺之反得罪其後人無敢繼者盜之威自此盛卒至於亂天下世以公之明比漢何武唐郭子儀本朝呂獻可蘇明允矣或疑公前知如神亦出于康節之書則非也公既廢始爲康節之學其英偉絕人之資所見起詣如此書也中立定夫同出伊川之門於先達之序尚未詳故不知其學也明道伊川視康節賦詩曰先生相與宴西街小子親攜几杖來其恭如此張橫渠於伊川諸父比也橫渠見康節尚拜牀下博猶記王母夫人語及伊川必曰程二秀才云云蓋當康節隱居謝聘日伊川尚年少未爲世所知也博蚤見伊川又與伊川族弟穎善穎知好大學伊川於其眷中獨與之言易嘗從穎得書疏一通伊川手跡也曰爲易學者但取王輔嗣胡先生王荊公之說讀之無餘事也今伊川易傳行於世大旨可見爲其學者遽以大諫公所謂伏羲八卦之語則駭矣康節平居尚不以語人博其敢謂伊川有所不知也近時妄人出雜書數十百條託爲伊川之說意欲前

無古人足以重己之師矣如司馬文正張橫渠皆斥以爲未至但以康節爲數學亦安知所謂數者非伊川之雅言也豈中立定夫亦惑於此歟大諫公反復論之深矣先君之戒則曰張巡許遠同爲忠義兩家子弟材智汚下不能明二父之志更相毀於後世故并爲之所貶凡託伊川之說以議吾家學者若子孫可勿報辨博爲史官大諫公中子正同爲尚書郎尚以世家之故遇博厚爲博道公平生之言爲詳又出此書俾論者其下博不肖不知大父之學若其淵源不可誣者亦嘗有聞矣然博之言有不敢盡者尙遵先君遺訓云

夢溪筆談易象九爲老陽七爲少八爲少陰六爲老舊說陽以進爲老陰以退爲老九六者乾坤之畫陽得兼陰陰不得兼陽此皆以意配之不然也九七八六之數陽順陰逆之理皆有所從來得之自然非意之所配也凡歸餘之數有多有少多爲陰如爻之偶少爲陽如爻之奇三少乾也故曰老陽九揲而得之故其數九其策三十有六兩多一少則一少爲之主震坎艮也故皆謂之少陽少在初爲震中皆七揲而得之故其數七其策二十有八三多坤也故曰老陰六揲而得之故其數六其策二十有四兩少一多則一多爲之主巽離兌也故皆謂之少陰多在初爲巽中皆八揲而得之故其數八其策三十有二物盈則變純少陽盈爲老故老動而少靜吉凶悔吝生乎動者也卦爻之辭皆九六者惟動則有占不動則無朕雖易亦不能言之國語謂正屯悔豫皆八遇泰之八是也今人以易筮者雖不動亦引爻辭斷之易中